

**Broj: UP1-06-13-1-235-5/23**  
**Mostar, 12.1.2024. godine**

Na osnovu člana 42. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15, 54/19, 1/22 i 61/22), člana 173. stav (1) Zakona o električnoj energiji Federacije Bosne i Hercegovine („Službene novine Federacije BiH“ broj 60/23), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 17. Pravilnika o sticanju statusa kvalifikovanog proizvođača električne energije („Službene novine Federacije BiH“ broj 85/23), postupajući po Zahtjevu za sticanje statusa kvalifikovanog proizvođača broj UP1-06-13-1-235-1/23 od 16.11.2023. godine podnosioca zahtjeva AMA-SOLAR d.o.o. Sarajevo, Ul. Saliha Behmena br. 35, Sarajevo-Noví Grad, zastupanog po zakonskom zastupniku Mireli Bujak, Regulatorna komisija za energiju u Federaciji Bosne i Hercegovine – FERK je 12.1.2024. godine na I redovnoj sjednici donijela sljedeće

### **R J E Š E N J E**

1. Utvrđuje se AMA-SOLAR d.o.o. Sarajevo, status kvalifikovanog proizvođača električne energije u proizvodnom objektu solarna fotonaponska elektrana „RAJSKA“.
2. Status kvalifikovanog proizvođača električne energije iz tačke 1. ovog rješenja važi od 12.1.2024. godine do 11.1.2039. godine, te obrazac o statusu kvalifikovanog proizvođača električne energije čini sastavni dio ovog rješenja.
3. Ovo rješenje je konačno, te se objavljuje na službenoj internet stranici FERK-a.

### **O b r a z l o ž e n j e**

Dana 16.11.2023. godine FERK je od podnosioca AMA-SOLAR d.o.o. Sarajevo primio Zahtjev za sticanje statusa kvalifikovanog proizvođača električne energije pod brojem UP1-06-13-1-235-1/23, u proizvodnom objektu solarna fotonaponska elektrana „RAJSKA“. Dopuna istog Zahtjeva je primljena u FERK 5.12.2023. godine pod brojem UP1-06-13-1-235-2/23.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 53/14), FERK je utvrdio da podneseni zahtjev nije potpun u smislu člana 9., člana 10. i člana 11. Pravilnika o sticanju statusa kvalifikovanog proizvođača električne energije. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za sticanje statusa kvalifikovanog proizvođača broj UP1-06-13-1-135-3/23 od 13.12.2023. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosioc zahtjeva je dostavio dopis primljen u FERK 20.12.2023. godine pod brojem UP1-06-13-1-235-4/23, uz koji je dostavio traženu dokumentaciju i obrazloženja, a na osnovu kojeg je FERK utvrdio da je podneseni zahtjev potpun.

Na osnovu obrade Zahtjeva za sticanje statusa kvalifikovanog proizvođača električne energije podnosioca AMA-SOLAR d.o.o. Sarajevo i dokumentacije priložene uz zahtjev, utvrđeno je da podnosilac zahtjeva ispunjava uslove za sticanje statusa kvalifikovanog proizvođača električne energije iz člana 6. Pravilnika o sticanju statusa kvalifikovanog proizvođača električne energije, u proizvodnom objektu solarna fotonaponska elektrana „RAJSKA“.

Na osnovu navedenog, odlučeno je kao u dispozitivu ovog rješenja.

**POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**v.d. PREDSEDavajućEG FERK-a**  
**Jasmin Bešo, s.r.**